

Хальмг АССР-н Дөрд Советин депутати

хэрү дуудж авхин диг-да ани туск

ЗАКОН

Депутати хэрү дуудж авлгын — социалистическ демократизмин гол положеньсин негнь болдгла, оln амтна лавта үнн йосинь медүүлгьнә болн депутатнр суньгъачириннь өмн йоста гидгәр ил даалгъврта болдг бәәдлә ирлцүлдж, Хальмг Автономн Советск Социалистическ Республикин Деед Совет, Хальмг АССР-н Конституцин 110 статьягъар ишлдж тогта-джана:

1-ч статья. Хальмг АССР-н Деед Советин депутат, кемр эн, суньгъачирин иткл күцәл уга, эс гидж депутатин нер гутам йовдл гаргъхла, ирлцнъгъү суньгъврин округин оln тоот суньгъачирин шиидврәр, ямаран болв чигн цагт хэрү дуудж авгдхмн.

2-ч статья. Хальмг АССР-н Деед Советин депутати хэрү дуудж авх тәр тәвх зөв оlnа организацт болн күч-көлсчирин обществот өгхмн: коммунистическ партийн организацт, профессиональн союзмудт, кооперативн организацт болн культурн обществот, теднә нүүрт центральн, республиканск, крайин, областин, округин, района, балгьсна органст тедү мет, предприятисар болн учрежденьсәр кодлмшчирин болн цергләчирин хургудт, колхозмудар болн селәдәр крестьян улст, цергә аныгсәр — цергт цергләчирт өгхмн.

3-ч статья. Депутати хэрү дууджах тәр тәвджәх общественн организацт, ямаран учрар энүг хэрү дууджахиннь тускар соньсхх йоста.

Депутат тер общественн организацт эс гидж күч-көлсчирин хургудт ямаран учрар тер хэрү дуудгддахин тускар тәр тәвгдснә тускар шу-келәр эс гидж бичгәр цәәлгъвр өгх зөвтә.

4-ч статья. Депутати хэрү дууджах тәр тәвджәх общественн организацтин болн күч-көлсчирин хургудин шиидврмүд Хальмг АССР-н Деед Советин Президиумд илгәгдхмн.

Хальмг АССР-н Деед Советин Президиум, илгәсн материалмудиг хәлгәгдәд, кемр депутати хэрү дууджах тәр эн Закона некврмүдлә ирлцнъгъү болхла, депутати хэрү дуудх суньгъвр темдглнә.

5-ч статья. Хальмг АССР-н Деед Советин депутати хэрү дуудх тәр суньгъврин округин хургуд деед, эн Закона 2-ч статьян зааврар, предприятисар, общественн организацсар, учрежденьсәр, колхозмудар, цергә аныгсәр, дакад суньгъачирин бәәдг газрарнь хәлгәгдд, шиидвр авгдхмн.

Хальмг АССР-н Деед Советин депутати хэрү дуудж авхин туск тәрин шиидвр, иләр дуугъан өгггәр авгдхмн.

6-ч статья. Обществени организац болгьнд, тедү мет Хальмг АССР-н гражданин болгьнд Хальмг АССР-н Деед Совет депутати хэрү дуудх суньгъвр кех зөв өгснә хөөн, депутати хэрү дуудж авхин төлә болн дуудж авшгон төлә Хальмг АССР-н Конституцин 92-ч статьяла ирлцүлдж хөрлгән уга агитац кех зөв өггдджәнә.

7-ч статья. Депутати хэрү дууджах суньгъвр келгьнд эн Закон ягддг күцәгдхиг шииджлхин болн суньгъврин ашинь диглхин төлә туслнъ суньгъврин округтнь общественн организацтин өлчнрәс болн вүч-көлсчирин обществосәс, бас тер мет, күч-көлсчирин оlnа хургудин өлчнрәс округин комисс бүрдәгдхмн.

Хальмг АССР-н Деед Советин депутати хэрү дууджах суньгъвр келгьнә Округин комисс, ахлачин, ахлачин дарукин, сегләтрин болн комиссин 6 членә ханьта бүрдәгдәд. Хальмг АССР-н Деед Советин Президиумд батлгдхмн.

8-ч статья. Суньгъачирин хургудин протоколд, хург болсна цагнь болн газрнь, хурт бәәсн суньгъачирин тонь, депутати хэрү дуудх өггдсн болн хэрү дуудхмн биш гидж өггдсн дууна тонь бичгдхмн.

Суньгъачирин хургин протокол, хургин президиумин цуг чледин гар тәвгдәд, гурвн хонгин дотр, Хальмг АССР-н Деед Советин депутати хэрү дуудлгьна суньгъвр келгьнә туск Округин комисст илгәгдхмн.

9-ч статья. Хальмг АССР-н Деед Советин депутати хэрү дуудх суньгъвр келгьнә туск Округин комисс, суньгъачирин хургудин протоколмудас иштәггәр, депутати хэрү дуудхин төлә болн хэрү дуудхмн биш гидж округар өггдсн дуугьинь тоолад, ашинь диглхмн.

Округин комисс, депутати хэрү дуудх суньгъврин ашин туск протоколан Хальмг АССР-н Деед Советин Президиумд илгәхмн.

10-ч статья. Кемр хэрү дуудж авхин төлә, суньгъврин округин суньгъачирин ик зунь дуугъан өгсн болхла, Хальмг АССР-н Деед Советин депутат хэрү дуудгддг авсн болдг тоолгдхмн.

11-ч статья. Хальмг АССР-н Деед Советин Депутати хэрү дуудж авхин төлә кегдсн суньгъврин ашинь, суньгъврин аш диглгдснә хөөн тавн хонгас давдг оратулгго, депутати хэрү дуудлгьна туск суньгъврин Округин комисс барт барлхмн.

12-ч статья. Хальмг АССР-н Деед Советин депутати хэрү дуудж авлгьна туск суньгьлгьнд эн Зака өвдснә туск гундлит, депутати хэрү дуудж авлгьна туск суньгъврин Округин комисс хәләхмн.

Депутати хэрү дуудж авлгьна туск суньгъврин Округин комиссин эндү гаргьсна туск гундлит Хальмг АССР-н Деед Советин Президиум хәләхмн.

Хальмг АССР-н Деед Советин Президиумин ахлач **Л. КИЛГАНОВ.**
Хальмг АССР-н Деед Советин Президиумин сегләтр **Л. ОЧИРОВА.**
Элст балгьсн, 1959 дж. декабрин 15.